

# CAKACAKANILIGA NI LILI NI SIGANIMATE

Na lili ni Siganimate e rawa ni vukei keda me da nanuma na Tucaketale nei Jisu Karisito. E tubu na sore ni lili ena ruku ni qele me dua na gauna balavu ni bera ni qai seraka mai ena vulaitubutubu. Ni oti na Nona mate o Jisu, a biu na yagona ena dua na ibulubulu. Ia ni oti e tolu na siga, a bula tale mai o Koya!

Bulia na nomu lili ni Siganimate ena nomu vakamura na veikalawa oqo.

1. Droinitaka na ligamu ena dua na tiki ni pepa ka kotiva.



2. Ologa me vaka e dua na fanala ka sogota ena nomu vakabira vata. Biuta e dua na qara lailai e botona.



3. Ologa vinaka na penikau ena nomu iqaqalo yadua.



4. Biuta e dua na kau ena qara ena nomu senikau me dua kina na tolona. Vakabira na senikau ki na kau. Qai Digia: Boroya na iwase e cake ni kau me dromodromo kei na botona me drokadroka. Vakuria ena draunikau pepa.

